



Polasaí Úsáide Inghlactha i leith an Idirlín Internet Acceptable Use Policy

Polasaí na Scoláirí

Is éard is aidhm ag an bPolasaí Úsáide Inghlactha seo ná le cinntiú go mbainfidh pobal Ghaelcholáiste Chomáin (an fhoireann agus na scoláirí) tairbhe as na deiseanna foghlama a chuirtear ar fáil le hacmhainní idirlíon na scoile i mbealach sábháilte agus éifeachtúil.

Meastar gur pribhléid agus acmhainn scoile iad úsáid an idirlín agus rochtain. Mar sin, más rud é nach gcloítear le PÚI na scoile, aistarraingeofar an pribhléid seo agus cuirfear na pionóis chuí mar atá leagtha amach sa PÚI i bhfeidhm.

Tá an polasaí seo fite fuaite le Cód Iompair an Choláiste agus An Polasaí Frith-Bhulaíochta agus pléifear é leis na daltaí ag tús gach scoilbhliain agus go rialta i rith na bliana.

Stráitéis

Bainfidh an scoil úsáid as méid áirithe stráitéise d'fhonn deiseanna foghlama a uasmhéadú agus d'fhonn na baoil a bhaineann leis an Idirlíon a laghdú. Úsáidfear na stráitéisí seo a leanas:

- Tabharfar próifíl úsáideora, spás stórála agus na bogearraí uilig do gach scoláire le húsáid. Tá seo cosúil le socrú úsáideora-ríomhaire corporáidbhunaithe.
- Beidh seisiúin Idirlín á maoirseacht ag múinteoir i gcónaí.
- Úsáidfear bogearraí scagthacha chun an baol go nochtfar ábhar míchuí a laghdú.
- Déanfaidh an scoil faireachán rialta ar úsáid Idirlín na scoláirí.
- Cuirfear oiliúint ar fáil do scoláirí agus do mhúinteoirí i réimse shábháilteacht Idirlín.
- Ní cheadófar uaslódáil agus íoslódáil bogearraí gan fhaomhadh.
- Úsáidfear bogearraí frithvíreas agus leasófar chun dáta go rialta é.
- Ceadaítear gléas stórála pearsanta a úsáid (cnaipe chuimhne, tiomántán seachtrach crua nó CD-ROM)
- Cloífidh na scoláirí le dea-netiquette (béasaíocht ríomhaire ar an Idirlíon) i gcónaí agus ní dhéanfaidh na scoláirí aon ní a d'fhéadfadh droch-cháil a tharraingt anuas ar an scoil.

An Gréasán Domhanda

- Ní thabharfaidh scoláirí cuairt ar shuíomhanna Idirlín le hábhar graosta, mídhleathach, gráiniúil nó aon ábhar conspóideach eile.
- Bainfidh na scoláirí úsáid as an Idirlín chun críche oideachasúla amháin.
- Ní athscríobhfaidh na scoláirí aon eolas do mheastóireacht gan an fhoinsé a ainmniú.
- Beidh na scoláirí eolach ar cheisteanna ar na cóipchearta a bhaineann le foghlaim ar líne.
- Ní thaispeánfaidh agus ní chuirfidh na scoláirí sonraí pearsanta ar fáil go poiblí riamh.
- Beidh a fhios ag na scoláirí go bhféadfar faireachán a dhéanamh ar aon úsáid, a ghabhann leis an scoil nó le hábhar pearsanta, lena n-áirítear eolas a dháileadh nó a fháil, ar mhaithe le gníomhaíocht neamhghnách, slándáil agus/nó bainistíocht líonra a rialú.
- Is sárú díreach é ar pholasaí úsáide inghlactha na scoile ábhair nó íomhánna nach mbaineann lena gcuid staidéir a íoslódáil.

Ríomhphost

- Bainfidh na scoláirí úsáid as cuntais ríomhphost ranga atá faofa faoi mhaoriseacht múinteora nó le cead múinteora.

- Ní sheolfaidh agus ní bhfaighidh scoláirí aon ábhar atá mídhleathach, graosta, clúmhillteach nó a bhfuil sé de rún aige cur isteach ar éinne eile nó éinne eile a imeaglú.
- Ní fhoilseoidh na scoláirí a sonraí pearsanta féin nó sonraí pearsanta éinne eile, ar nós seoltaí, uimhreacha teileafón nó pictiúir.
- Ní shocróidh na scoláirí riamh buaileadh le héinne duine le duine nach bhfuil aithne acu orthu ach amháin trí ríomhphoist nó ar an Idirlín.
- Tabharfaidh na scoláirí faoi deara go bhfuil seoladh agus glacadh ceangaltáin ríomhphost faoi réir chead an mhúinteora.
- Glactar go seoltar ríomhphoist ó scoláire go dtí ríomhphost scoile an mhúinteora ó am go ham chun obair scoile a sholáthar dóibh. In ainneoin seo, ní sheolfaidh scoláirí aon ábhar atá pearsanta, mídhleathach, graosta nó clúmhillteach chuig ríomhphost scoile an mhúinteora. Ní bhainfidh múinteoirí úsáid as ríomhphost na scoile chun cumarsáid a dhéanamh le scoláirí, fiú chun ríomhphoist scoláire a fhreagairt.

Na Meáin Shóisialta

- Ní bheidh rochtain ag na scoláirí ar na meáin shóisialta ar an líonra scoile agus tá cosc orthu na láithreáin líonraithe shóisialta go léir a rochtain ar angléasanna leictreonacha pearsanta agus iad ar champas na scoile.
- Níl sé de chead ag scoláirí tagairt a dhéanamh d'aon bhall de phobal na scoile nó don scoil ar shuíomhanna gréasán sóisialta agus caithfidh úsáid mheáin shóisialta na scoláirí clú Ghaelcholáiste Chomáin a chosaint i gcónaí.
- Níl sé de chead ag scoláirí breathnú ar aon bhall d'fhoireann Ghaelcholáiste Chomáin, nó iad a leanúint, ar Twitter, Facebook nó aon fhóram mheáin shóisialta eile.
- Más rud é gur cinneadh gur sháraigh na scoláirí an méid thuasluaite, cloífead go dian le Cód Iompair Ghaelcholáiste Chomáin.

Fóraim Idirlín

- Ní bheidh rochtain ag scoláirí ar fhórais dhíospóireachta nó ar fhórais chumarsáide leictreonacha eile ach amháin na fórais sin atá faofa ag an scoil.
- Ní úsáidfear seomraí comhrá, fórais dhíospóireachta nó fórais chumarsáide leictreonacha eile ach amháin ar mhaithe le cúiseanna oideachasúla agus maoirseofar i gcónaí iad.
- Moltar go n-úsáidfí na scoláirí ainmneacha úsáideoirí le nochtadh aitheantais a sheachaint.
- Tá cosc ar chruinnithe le héinne duine le duine a reachtáladh ar an Idirlín.

Suíomh Idirlín na Scoile

- Tabharfar deis do scoláirí tionscadail, obair ealaíne agus obair scoile a fhoilsiú ar an nGréasán Domhanda i gcomhréir le polasaithe soiléire agus próisis fhormheasta maidir leis an inneachar gur féidir a lódáil ar shuíomh idirlín na scoile.
- Beidh foilsíúcháin obair an scoláire comhordaithe ag múinteoir.
- Taispeánfar obair an scoláire i gcomhthéacs oideachasúil ar shuíomhanna Idirlín le fógra cóipchirt agus cóipeáil obair den sórt sin gan cead scríofa sainráite á thoirmeasc.
- Ní fhoilseofar grianghraif dhigiteacha, gearrthóga fuaime nó gearrthóga físe de scoláirí aonaracha ar shuíomh Idirlín na scoile gan cead tuismitheora. Go ginearálta, díreoidh grianghraif agus gearrthógafuaime agus físe ar ghníomhaíochtaí grúpa. Féadfar gearrthóga físe a chosaint le pasfhocal má iarrtar amhlaidh.
- Fágfar ar lár sonraí pearsanta na scoláirí, lena n-áirítear seoladh baile agus sonraí teagmhála, ar shuíomh Idirlín na scoile.
- De chuid na scoláirí féin i gcónaí a bheidh an cóipcheart ar aon obair a fhoilseofar.
- Déanfar seic ar an suíomh Idirlín go tráthrialta lena áirithiú nach bhfuil aon inneachar ann a d'fhéadfadh bsábháilteacht na scoláirí nó sábháilteacht na foirne a lagú.

Líonra na scoile

- Tá líonra scoile curtha ar fáil do dhaltáí chun obair nscoile amháin a shábháil agus a stóráil.
- Ní cheart go gcoinneodh dalta aon ábhar pearsanta, ngraosta, mídhleathach, gráiniúil nó aon ábhar conspóideach eile ar an líonra scoile.
- Ní cheart go ndéanadh dalta eagarthóireacht ar saothair a gcomhscoláirí, nó saotha(i)r a bhogadh nó a bhaint ón líonra.
- Ba cheart go mbeadh fhios ag daltaí agus tuismitheoirí go ndéanfar faireachán rialta ar líonra na scoile, chun cinntiú go mbaintear úsáid cóir as an áis.

Reachtaíocht

Cuirfidh an scoil eolas ar fáil maidir leis an reachtaíocht seo a leanas a ghabhann le húsáid an Idirlín agus ba cheart do mhúinteoirí, scoláirí agus tuismitheoirí iad féin a chur ar an eolas fúthu:

- An tAcht um Chosaint Sonraí (Leasú) 2003
- An tAcht um Ghainneáil ar Leanaí agus Pornagrafaíocht Leanaí 1998
- An tAcht Tascradh, 1993
- An tAcht um Fhístaifeadtaí, 1989
- An tAcht um Chosaint Sonraí, 1988
- Acht um Thús Áite do Leanaí, 2015
- Tús Áite do Leanaí: Treoir Náisiúnta maidir le Cosaint agus Leas Leanaí 2017

Struchtúir Thacaíochta

Tabharfaidh an scoil eolas don fhoireann, do scoláirí agus do thuismitheoirí maidir leis na príomhstruchtúir thacaíochta agus eagraíochtaí a ndéileáiltear le hábhar mídhleathach nó le húsáid díobhálach anIdirlín.

Eagrófar seisiúin eolais do thuismitheoirí agus do chaomhnóirí maidir leis an Idirlín agus le teicneolaíochtaí ar nós Facebook agus youtube agus na baail a bhféadfadh a bheith ann dár scoláirí maidir le teicneolaíochtaí den sórt sin.

Pionóis

- Féadfar gníomh smachtaithe, lena n-áirítear rabhaidh scríofa, pribhléidí rochtana a tharraingt siar agus i gcúinsí foircneacha, fionraíocht nó díbirt ón scoil, a bheith mar thoradh ar mhí-úsáid an Idirlín.
- Coimeádann an scoil an ceart aici féin chun gníomhaíochtaí mídhleathacha a thuirisciú chuig na húdaráis chuí.
- Tabharfar eolas ar shárú PÚI Ghaelcholáiste Chomáin don Gharda Síochána má mheastar go bhfuil sé riachtanach.

Polasaí do Mhúinteoirí agus d'Fhoireann an Choláiste

- Mar fhostaithe de Ghaelcholáiste Phort Chomáin, bheifí ag súil le réasún go gcuirfeadh gach ball d'fhoireann Ghaelcholáiste Chomáin iad féin ar an eolas maidir le PÚI TFC, a bhfuil fáil air ar an suíomh idirlín, agus go gcloifí leis sin.
- Soláthraítear cuntais Office 365 don fhoireann le húsáid do ghnó na scoile. Ní cheart cuntais ríomhphost na foirne, nó suíomh ghreasáin na foirne, a úsáid riamh d'fhonn ábhar gránna a stóráil nó a dháileadh nó cluichí nó scéalta an ghrinn a sheoladh nó a chur ar aghaidh.
- Tá úsáid phearsanta an ríomhphoist ceadaithe go hócáideach agus go réasúnta ar choinníoll nach gcuireann seo isteach ar fheidhmiú, ar dhualgais oibre nó ar fhreagrachtaí Ghaelcholáiste Chomáin agus nach náirítear an Gaelcholáiste agus seachas sin uilig, go gcloítear leis an bpolasaí seo.
- Ba cheart tagairtí d'aon bhall de chomhphobal na scoile a dhéantar trí mheán leictreonach a dhéanamh i mbealach iomlán proifisiúnta a bhfuil cuma gnó leis.

- Tuigean Gaelcholáiste Chomáin go bhféadfaidh an fhoireann cuntais mheáin shóisialta phríobháideacha a bheith acu. Bheifí ag súil le réasún, áfach, go mbainfeadh an fhoireann úsáid freagrach as na cuntais seo, lena n-áirítear socruithe príobháideachta cuí a chur i bhfeidhm.
- Tá sé rí-thábhachtach nach ndéanfaidh baill na foirne tagairt riamh d'aon bhall de chomhphobal na scoile nó don scoil ar láithreáin líonraithe shóisialta agus caithfidh úsáid foirne na meáin shóisialta clú Gaelcholáiste Chomáin agus a comhphobal a chosaint i gcónaí.
- Caithfidh an fhoireann a chinntiú go bhfuil dea-cháil ag baint le haon íomhá a gcuirtear ar a láithreáin líonraithe shóisialta chomh maith leis an scoil agus comhphobal na scoile a léiriú i slí dearfach. Má tá grianghraif á úaslódáil, tá sé rí-thábhachtach go niarrfaidh an fhoireann cead uathu siúd atá sna pictiúir sula gcuirfead ar líne iad.
- **Ní féidir leis an bhfoireann cairdeas a dhéanamh le scoláirí, nó iad a leanúint, RIAMH ar fhóiraim mheán ar nós Twitter nó Facebook agus ní féidir leo riamh féachaint ar phróifílí na scoláirí nó a ligean do scoláirí breathnú ar a bpróifílí féin.**

An Gréasán Domhanda

- Ní cheart go dtabharfadh an fhoireann cuairt ar shuíomhanna Idirlín le hábhar graosta, mídhleathach, gráiniúil nó aon ábhar conspóideach eile.
- Ba cheart go mbainfeadh an fhoireann úsáid as Idirlíon na scoile chun críche oideachasúla, proifisiúnta amháin.
- Ba cheart go mbeadh fhios ag an bhfoireann go bhféadfar faireachán a dhéanamh ar aon úsáid, a ghabhann leis an scoil nó le hábhar pearsanta, lena n-áirítear eolas a dháileadh nó a fháil, ar mhaithe le gníomhaíocht neamhghnách, slándáil agus/nó bainistíocht líonra a rialú.
- Is sárú díreach é ar pholasaí úsáide inghlactha na scoile ábhair nó íomhánna nach mbaineann lena gcuid oibre a íoslódáil.

Ríomhphost na Scoile

- Bainfidh Múinteoirí úsáid as cuntais ríomhphost scoile Office 365 atá faofa faoi mhaoirseacht bhainistíocht na scoile.
- Beidh an cead ag bainistíocht sinsearach na scoile aon chomhfhreagras a sheoltar nó a ghlactar ar aon sheoladh ríomhphost na scoile a léamh.
- Ní sheolfaidh agus ní bhfaighidh múinteoirí aon ábhar atá mídhleathach, graosta, clúmhilleach nó a bhfuil sé de rún aige/aici cur isteach ar éinne eile nó éinne eile a imeaglú.
- Glactar go seoltar ríomhphost ó scoláire go dtí ríomhphost scoile an mhúinteora ó am go ham chun obair scoile a sholáthar dóibh. In ainneoin seo, ní cheart go bhfreagródh múinteoirí ríomhphost a thagann ó scoláire.
- Ní úsáidfidh múinteoirí ríomhphost scoile nó ríomhphost pearsanta chun dul i dteagmháil nó cumarsáid a dhéanamh le scoláirí.

Líonra Scoile & an Suíomh Idirlín

- Tá líonra scoile curtha ar fáil do mhúinteoirí chun áiseanna agus ábhar digiteach gairmiúla amháin a stóráil agus a roinnt idir múinteoirí.
- Ní cheart go gcoinneodh an fhoireann aon ábhar pearsanta, graosta, mídhleathach, gráiniúil nó aon ábhar conspóideach eile ar an líonra scoile.
- Ba cheart go mbainfeadh an fhoireann úsáid as líonra na scoile chun críche oideachasúla, proifisiúnta amháin.
- Ba cheart go mbeadh fhios ag an bhfoireann go mbeidh faireachán rialta á dhéanamh ag an mbainistíocht ar líonra na scoile.
- Glacann an bhainistíocht scoile go mbíonn ábharoideachasúla forbartha ag múinteoirí, agus go bhfuil cead ag ball foirne na hábhar seo a stóráil ar an líonra scoile. Ní cheart go mbainfeadh bainistíocht na scoile, nó aon ball den fhoireann, úsáid as aon ábhar gairmiúil

pearsanta atá cruthaithe/forbartha ag múinteoir eile gan cead a fháil ón múinteoir sin roimh ré.

- Ní cheart go roinneadh bainistíocht na scoile, nó aon ball den fhoireann, ábhar gairmiúil pearsanta atá cruthaithe/forbartha ag múinteoirí scoile le tríú páirtí lasmuigh den scoil.
- Is iad an príomhoide agus an leas príomhoide an t-aon bheirt riarthóirí do shuíomh idirlín na scoile ach féadfaidh an príomhoide cead riarthóireachta a thabhairt do bhall eile foirne ó am go céile ar chúis nó tréimhse sainithe.

Reachtaíocht

Cuirfidh an scoil eolas ar fáil maidir leis an reachtaíocht seo a leanas a ghabhann le húsáid an Idirlín agus ba cheartdon fhoireann go léir iad féin a chur ar an eolas fúthu:

- An tAcht um Chosaint Sonraí (Leasú) 2003
- An tAcht um Ghainneáil ar Leanaí agus Pornagrafaíocht Leanaí 1998
- An tAcht Tascradh, 1993
- An tAcht um Fhístaifeadtaí, 1989
- An tAcht um Chosaint Sonraí, 1988
- Nósanna Imeachta maidir le Cosaint Leanaí do Bhunscoileanna agus d'Iar-bhunscoileanna 2017
- Acht um Thús Áite do Leanaí, 2015
- Tús Áite do Leanaí: Treoir Náisiúnta maidir le Cosaint agus Leas Leanaí 2017

Pionóis

Féadfaidh na rudaí seo a leanas a bheith mar thoradh ar loiceadh an polasaí agus na nósanna imeachta a leagtar síos sa doiciméad seo a chomhlíonadh:

- ríomhaire, ríomhphoist agus áiseanna idirlín a tharraingt siar
- tús a chur le nósanna imeachta araíonachta agus gníomh smachtaithe, chuig agus lena n-áirítear dífhostú.
- féadfar tús a chur le himeachtaí coiriúla nó sibhialta mar thoradh ar shárú tromchúiseach.

Cur i bhFeidhm:

Cuirfear an polasaí seo faoi bhráid na scoláirí agus na foirne ag tús gach scoilbhliain. Déanfar athbhreithniú ar an bpolasaí seo go bliantúil.

Glactha agus faofa ag cruinniú an Bhoird Bhainistíochta in Aibreáin 2018